

盧夫人答香山商會函中之孫中山先生歷史

中山先生原配盧夫人答後香山商會詢中山先生生平事蹟函云。科父德明即中出。六十歲。生於同治五年十月初六日寅時。配本邑望鄉盧耀顯女爲妻。改名慕貞。生於同治六年六月廿九日酉時。於光緒十年四月十三日結婚。生一子。即科。生女二。次女於民國二年離世。現三女琬。配戴恩賽。盧氏自鴻門隨夫。或在澳或在港。設立藥房。施醫爲名以革命救國救民爲實。於九月初九（光緒乙未）首次革命失敗後。家姑家兄偕氏携同子女奔避檀香山。家伯父壽屏處唐活。及聞夫在倫敦遇清欽使之困囚。與歷年失敗所經之危險。不知幾許心傷膽裂。難以悉數。至光緒卅二年。回九龍先伯處度活。及歲晚新軍起義。三月二十九日（宣統辛亥）荷花岡先烈舉義失敗後。先伯遞解出境。氏往南洋庇能。斯時中山大集同志于庇能會商進行。差遣同志往各省舉辦。特委張振武方維二位得力同志回湖北。而有八月十九武昌起義。至成功。科父偕氏及二女回港各同志催速往南京就臨時總統職。科父力勸各議員舉袁世凱。解總統職。偕氏與子女回粵。及後袁世凱屢遣代表請科父往北京互商國事。科父應命偕氏往北京謁袁總統。後偕氏游歷各省名勝。及前清宮殿名園。復回滬就全國鐵路總辦職。至搜出袁氏陰謀帝制之種種確實證據。又進行倒袁之舉。斯時着氏回澳與先伯同居。及先伯離世。後電召氏往日本。商配宋氏之婚。後氏回澳稅居。得常往禮堂聆主之救世大道。十分感謝天父舍己獨生子賜世。令氏與凡人信耶穌爲救主者。免致淪亡。而有永生之恩賜。惜氏德才綿薄。無能多導人歸主。故盼宗主諸兄弟。常爲氏祈禱。能引多人悔改。多結善果。奉回在天聖父。氏之日夕誠禱者也。科父返天國。得聞離世前一日。自證我本基督徒。與魔鬼奮鬥四十餘年。爾等亦要如是奮鬥。更當信上帝。此乃科兒手書所言。十分多謝天父。允氏祈求。復賜科父信上帝之心。此乃氏至安慰者。